



Inatsisartuni Ilaasortaq  
Doris Jakobsen

**2010-mut Aningaasanut inatsimmut siunnersuummi sinerissap qanittuani  
aalisartunut suna iluaqutissaanersoq pillugu apeqqummut akissut**

13. oktober 2009  
J.nr. 01.28.09

Dok.nr. 238343

Inatsisartut suleriaasianni § 36, imm. 1 naapertorlugu 2010-mut Aningaasanut Inatsimmut siunnersuummi sinerissap qanittuani aalisartunut suna iluaqutissaanersoq pillugu apeqquteqarputit.

Postboks 269  
3900 Nuuk  
Tlf. (+299) 34 50 00  
Fax (+299) 32 4704  
E-mail: apnn@gh.gl

Apeqqut:

- 1. 2010-mut Aningaasanut inatsimmut siunnersuummi sinerissap qanittuani aalisartunut suna iluaqutissaava?*

2010-mut Aningaasanut Inatsimmut siunnersuummi aaqqissuusinerit suut sinerissap qanittuani aalisarnermut tunngassuteqarnerisut apeqqutit Aalisarnermut, Piniarnermut Nunalerinermullu Naalakkersuisup akerusuppaa.

AIS 2010-mi, ukiuni siuliinisulli, aallarteqqinnissamut tapersiisarnermik aaqqissuussineq atuuppoq. Aaqqissuussinermi siunertaavoq tapersiinerup aalisartunut toqqaannartumik tungatinneqarnissaa. Taamaalilluni aalisartut inuussutissarsiuTiminnik ingerlatitsiinnarnissamut periarfissinniarnaqarput, napparsimanerup, silap allanngoramernik ajornartorsiornerup imaluunniit inuussutissarsiornermi ajornartorsiornermik pisoqarpat, tassanilu annikinnerusumik tapersiisarneq aalisartumut iluaqutaasartorujussuuvoq.

Aalisartunut piniartunullu siunnersuisoqarfimmut aningaasanik immikkoortitsisoqarpoq, taannalu KONFIFA-mik aaqqissuussinermik taaneqarpoq KNAPK suleqatigalugu suliarineqartartoq. Aaqqissuussinermi siunertaavoq sinerissap qanittuani aalisartunut inuussutissarsiornerat pillugu siunnersuisarnissaq ilitsersuisarnissarlu.

Aalisartut piniartullu inuussutissarsiuTaannik siuarsaanermut aningaasanik immikkoortitsisoqarpoq. Aaqqissuussinermi aalisartut piniartullu periarfissinneqarput inuussutissarsiuTiminnut tapersiissutinik ineriartortitsinermullu akiligassarsianik qinnuteqarnissamut. Aningaasanik immikkoortitsinermi ilaatigut siunertaavoq sinerissap qanittuani aalisartunut tapersiinnissaq pissutsillu pitsanngornissaat, aningaasanik

pissarsisinnaanermik periarfissinnerisigut, taamaalillutik aalisarneq ineriartortissinnaaniassammassuk nutarsaavigalugulu.

Taassuma saniatigut oqaatigineqassaaq ukiakkut ataatsimiinnermi aalisarnermut aningaasaliissutitut immikkoortitat pillugit Inatsisartut inatsisaata allanngortinneqarnera pillugu Inatsisartut inatsisaattut siunnersuut saqqummiunneqartoq. Immikkoortitani taakkunani aningaasat aalisarnermut toqqaannartumik tunngatinneqarput, pingaartumik sinerissap qanittuani aalisarnerup ineriartornissaanut siuarsarnissaanullu.

Aalisarnermut aningaaliissutitut immikkoortitat pillugit inatsisip allanngortinneqarnera kinguneqassaaq angallatitaarniarnermut tapiissutit pisiarinerani akianit 20 %-imiit 40 %-imut qaffanneqarnerat. Taassuma saniatigut sinerissap qanittuani aalisarnermi angallatit aserorternerannut tapiissuteqarsinnaanermik pisinnaatitsisoqassaaq, taamaalilluni aalisarsinnaassuseq pitsanngorsarneqassalluni.

Taassuma saniatigut erhvervsstøttemik aaqquissuussineq aqutugalugu umiatsiaarartaarniarnermi tapiissutinik qinnuteqarsinnaaneq periarfissaavoq kiisalu sinerissap qanittuani aalisarnerup aaqquissuussaanerata naleqqussarnissaanut ernialinnik tarsigassarsinissaq periarfissaalluni.

Naggasiullugu kontomi pingaarnermi 50.01.20-mi suliniutinut aningaasanik immikkoortitaqarpoq, tassani ilaatigut Pinngortitaleriffik suleqatigalugu misileraalluni aalisartoqarluni. Misileraalluni aalisarnerit ilaatigut kinguneqarput saarullit, qalerallit aalisakkallu aallat aningaasarsiorfigissallugit soqutigintut pillugit annertunerusumik ilisimasaqalerneq, tamannalu annertunerusumik aalisarsinnaanermik kinguneqarpoq.

Neriuppunga qulaani akissutini apeqqutit akineqartoq.

Inussiarnersumik inuulluaqqusillunga

Ane Hansen  
Aalisarnermut, Piniarnermut Nunalerinermullu Naalakkersuisoq